



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-325-4/25**

Datum: **29.09.2025. godine**

«Agencija za vodno područje rijeke Save» Sarajevo rješavajući zahtjev, podnesen od strane fizičkog lica Nermin Šišić iz Velike Brijesnice, općina Doboj Istok, za donošenje rješenja o prethodnoj vodnoj saglasnosti za ispuštanje otpadnih voda sa lokacije stambeno-poslovnog objekta, koji se planira graditi na zemljištu označenom kao k.č. 1820/7 K.O. Mala Brijesnica, općina Doboj Istok, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

R J E Š E N J E

1. Odbija se zahtjev podnesen od strane fizičkog lica Nermin Šišić za donošenje rješenja o prethodnoj vodnoj saglasnosti za ispuštanje otpadnih voda sa lokacije stambeno-poslovnog objekta, koji se planira graditi na zemljištu označenom kao k.č. 1820/7 K.O. Mala Brijesnica, općina Doboj Istok, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

«Agenciji za vodno područje rijeke Save» Sarajevo podnesen je zahtjev od strane fizičkog lica Nermin Šišić iz Velike Brijesnice, općina Doboj Istok za donošenje rješenja o prethodnoj vodnoj saglasnosti za ispuštanje otpadnih voda sa lokacije stambeno-poslovnog objekta, koji se planira graditi na zemljištu označenom kao k.č. 1820/7 K.O. Mala Brijesnica, općina Doboj Istok, a u postupku donošenja Rješenja o urbanističkoj saglasnosti.

Uz zahtjev je dostavljena slijedeća dokumentacija:

- Ovjerena kopija lične karte podnosioca zahtjeva;
- Informacija o usklađenosti planiranih aktivnosti, data od strane Službe za prostorno uređenje Općine Doboj Istok, broj: UP-1-05-19-151/24 dana 21.07.2025. godine;
- Ovjerena kopija Zemljišnoknjižnih izvadka: K.O. Mala Brijesnica, broj: 027-O-NAR-25-003 358, zk uložak broj: 2824, izdat od strane Zemljišnoknjižni ured Općinskog suda u Gračanici, dana 17.04.2025. godine;
- Ovjerena kopija katastarskog plana, K.O. Mala Brijesnica, broj plana: 6, UR broj: 05-26-423/2025-3 dana 18.04.2025. godine;
- Ovjereni Prijepis katastarsko-knjižnog uložka broj 2572, izdat od strane Službe za prostorno uređenje Općine Doboj Istok, broj: 05-26-422/25-2 dana 17.04.2025. godine;
- Ovjereni Izvod iz prostornog plana općine Doboj Istok;
- Studija za izdavanje prethodne vodne saglasnosti za izgradnju stambeno-poslovnog objekta, Mala Brijesnica, urađene od strane „TALWEG“ d.o.o. Tuzla, maj 2025. godine;
- Dokaz o uplati upravne pristojbe.

Nakon uvida u dostavljeni zahtjev i identifikaciju i spisak katastarskih parcela utvrđeno je da predmetna aktivnost obuhvata parcelu označenu kao k.č. 1820/7 K.O. Mala Brijesnica, općina Doboj Istok. Predmetni objekat koji se planira graditi se ne nalazi u zoni sanitarne zaštite izvorišta vodosnabdijevanja, niti u blizini drugih vodnih objekata. Sa južne strane predmetne parcele nalazi se rijeka Spreča udaljena 1.59 km od predmetne parcele.

Na predmetnoj lokaciji planira se izgradnja objekta sa stambenim i poslovnim dijelom, spratnosti S+P+2. Kako je navedeno u Studiji dostavljenoj uz zahtjev na predmetnoj lokaciji neće biti produkcije tehnoloških otpadnih voda.

Prema navedenom, a u skladu sa odredbama člana 139. stav (1) Zakona o vodama, za predmetnu aktivnost nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, te je riješeno kao u dispozitivu rješenja.

Pouka o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.



Dostaviti:

- Nermin Šišić, ul. Brijesnica Velika do broja 118, 74206 Brijesnica Velika, Doboj Istok
- ⊖ AVP Sava, ISV – Vodna knjiga
- Sektor 40, arhiva
- Oglasna ploča AVP Sava